

Turcæ, Ægyptii, Arabes, Hebræi, alique. *Babylon* paullo supra *Cairum* ponitur a *Bellonio*, conspiciunturque adhuc splendorum ædificiorum ruinæ. Hic nunc est Christianorum pagus *Alexandria* nobilis olim & splendida urbs ab *Alexandro Magno* in extremitate Maris Mediterranei loco situq; pulcherrimo condita: Turcæ *Scanderiam* vocant. Straboni μέγαν ἐμπόρον ὀικημένης, ubi τῶν βαρυτήτων βαρεὰ καὶ τὰ τέλη, id est preciosa- rum Mercium preciosa vestigalia: παντοίας παιδεύσεως ἐργαστήριον *Nazianzeno*, propter Scholam eruditam, fre- quentem & celebrem, de qua apud *Eusebiū* lib. v i cap. x. Deserta nunc & in ruderibus jacens majori ex par- te *Curtius* & *Amnianus* scribunt, nullo fere die *Alexandriæ* Solem ferenum non videri, propter Aerem perpe- tuo ibi tranquillum. *Alexandrinæ* Ecclesiæ & Scholæ Doctores fuerunt *Clemens*, qui *Alexandrinus* dicitur: *O- rigenes*; *Ambrosius*, item *Diaconus*. *Alexandrini* etiam fuerunt *Philofudæus* doctissimus, ac in lingua Græca eloquentissimus: *Cyrillus*; *Didymus* ē parentibus cæcus, D. Hieronymi Præceptor; *Appion* Grammaticus Polyhistor *Gellio*; *Appianus* Historicus; *Didymus* Grammaticus, qui *Ciceronis* ætate vixit, & tria millia & quingenta volumina conscripsisse a *Suda* proditur; *Achilles Statius*; & *Claudius Ptolemeus* Princeps Mathema- ticorum. *Pelusium* hodie vocant *Damiatam*, urbs est potens, opulenta, commodo Portu & navium frequen- tia celebris, ad Nili Ostium *Pelusiacum*. Regio hæc fluvio Nilo totius Orbis nobilissimo secatur, irrigatur, ac fecundissima redditur. Ortum notavit Rex *Iuba* in Monte Inferioris *Mauritanæ* non procul Oceano ha- bere, Lacu protinus stagnante, quem aiunt vocari *Nilidem*. Aliis alia mens est. Ex hoc Lacu profusus longo cursu varias Regiones & squallentia arenis loca percurrit: postea multas efficit Insulas, quarum clarissima est *Meroe*, a qua quartus Parallelus *Ptolemaicus* nomen accepit: ejus ramum dexterum dicit *Plinius* vocari *A- frusapen*, lævum *Astaborem*, nec ante vocari Nilum, quam se totum Aquis concordibus denique junxerit. Tan- dem inclusus Montibus, torrentibus & properantibus Aquis ad locum vehitur, qui *Catadupa* vocatur: ibi in- ter occurrentes scopulos non fluere, sed præceps catarecte ruere creditur, tanto fragore, ut auditū Adcolis au- ferat. Ditionis *Ægypti* esse incipit a fine *Æthiopæ* *Syene*. Post efficit illud Græcorum Delta, & divisus in O- stia se in Mare exonerat. Ostia hodie sunt quatuor, quorum duo navigabilia, *Pelusiacum* ubi *Damiata*, & *Ca- nopicum* sive *Heracleoticum*, ubi *Rosettum*. Certis etiam diebus auctu magno per totam spatiat *Ægyptum* fœ- cundus innatat terræ, pluviarum inopiam compensans. Initium est v i Junii; finis post diem quadragesimū, non post centesimū, ut scribit *Herodotus*. Major autem lætitia gentibus quo minus terrarum suarum vi- dent; nam quæ inundantur sunt fertilissima, cetera sterilia, & quo altior Nilus, eo solum fœcundius. Auctus ejus per putos mensuræ notisprehenduntur. Sed hæc hæcenus, ad reliquas Tabulas transeamus.

Flumen Nilus.